



Broj: 05-04-02-2098/21

Mostar, 25.10.2021. godine

Na osnovu člana 7 i 8 Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03 i 34/03), člana 28 i 29 Zakona o bibliotekarskoj djelatnosti HNK („Službene novine HNK“, broj 03/05), člana 8 Odluke o osnivanju Narodne biblioteke Hercegovačko-neretvanskog kantona („Službene novine HNK“, broj 4/04), Odluke o izmjenama i dopunama Odluke o osnivanju Narodne biblioteke Hercegovačko-neretvanskog kantona („Službene novine HNK“, broj 06/05) i Odluke o raspisivanju Javnog konkursa za izbor i imenovanje predsjednika i članova Upravnog odbora Narodne biblioteke Hercegovačko-neretvanskog kantona („Službene novine HNK“, broj 7/18), te člana 36 stav 3. Pravila Narodne biblioteke Hercegovačko-neretvanskog kantona („Službene novine HNK“, broj 4/07) ministar obrazovanja, nauke, kulture i sporta Hercegovačko-neretvanskog kantona **raspisuje**

JAVNI KONKURS **za izbor i imenovanje** **Upravnog odbora Narodne biblioteke HNK Mostar**

Upravni odbor Narodne biblioteke HNK sastoji se od pet (5) članova i čine ga:

- predsjednik i dva (2) člana - predstavnici osnivača
- dva (2) člana - predstavnici radnika Biblioteke.

Nadležnost Upravnog odbora propisana je Zakonom o ustanovama i podrazumijeva:

- donošenje statuta Narodne biblioteke HNK
- imenovanje i razrješavanje direktora
- utvrđivanje planova rada i razvoja
- utvrđivanje godišnjeg programa rada
- donošenje finansijskog plana i usvajanje godišnjeg obračuna
- donošenje Pravilnika o unutaršnjoj organizaciji rada i sistematizaciji radnih mjesta i drugih općih akata
- odlučivanje o svim pitanjima obavljanja djelatnosti radi kojih je Narodna biblioteka HNK osnovana ako Zakonom, Pravilima ili drugim propisima nije utvrđeno da o određenim pitanjima odlučuje drugi organ Narodne biblioteke HNK
- usmjeravanje, kontroliranje i ocjenjivanje rada direktora
- odgovaranje osnivaču za rezultate rada Narodne biblioteke HNK
- rješavanje u drugom stepenu po žalbi na odluke direktora
- podnošenje osnivaču najmanje jedanput godišnje izvještaja o poslovanju Narodne biblioteke HNK
- vršenje i drugih poslova u skladu sa Zakonom.

Svi kandidati moraju ispunjavati sljedeće opće i posebne uslove:

A. OPĆI USLOVI:

- a) da su državljani Bosne i Hercegovine
- b) da su stariji od osamnaest (18) godina
- c) ovjerenu izjavu da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije dana objavljivanja upražnjene pozicije
- d) da nisu osuđivani za krivično djelo i privredni prijestup
- e) da nisu stariji od 65 godina na dan imenovanja
- f) ovjerenu izjavu kandidata da nisu na funkciji u političkoj stranci u smislu člana 5 Zakona o ministarskim, vladinim i drugim imenovanjima F Bosne i Hercegovine
- g) ovjerenu izjavu da nisu članovi organa zakonodavne, izvršne vlasti ili savjetnici u smislu Zakona o sukobu interesa u institucijama vlasti Bosne i Hercegovine ("Službeni glasnik BiH" broj 16/02 i 12/04)
- h) ovjerenu izjavu da nemaju privatni finansijski interes u reguliranom tijelu u koje se kandidira.

B. POSEBNI USLOVI:

- a) visoka, viša ili srednja stručna sprema IV. – stepen (istaknuti kulturni, obrazovni i javni djelatnici)
- b) najmanje 3 godine radnog iskustva nakon sticanja visoke, više ili srednje stručne spreme, na poslovima u okviru svog zanimanja
- c) ovjerenu izjavu da nisu članovi upravnog ili nadzornog odbora u više od jednog pravnog subjekta
- b) rezultati rada ostvareni tokom prethodnog radnog angažmana
- c) komunikativne i kreativne sposobnosti za savjesno i odgovorno obavljanje dužnosti.

Uz prijavu na javni oglas kandidat je dužan priložiti:

- biografiju, adresu i kontakt telefon

- dokaz o ispunjavanju uslova oglasa u originalu ili ovjerenu kopiju:

- a) uvjerenje o državljanstvu ne starije od 6 mjeseci,
- b) uvjerenje o nevođenju krivičnog postupka od nadležnog kantonalnog suda, (nakon izbora kandidata, a prije stupanja na dužnost),
- c) ovjerenu kopiju diplome,
- d) uvjerenje o radnom iskustvu u struci.

Svi kandidati liste s užim izborom bit će pozvani na intervju. Izbor i imenovanje člana upravnog odbora vrši se na period od četiri (4) godine s mogućnošću ponovnog imenovanja.

Prije intervjuja kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Prilikom pozivanja na intervju, svaki kandidat koji uđe u uži izbor dobit će obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Bilo koji kandidat ili bilo koja druga osoba-član javnosti, slobodna je podnijeti prigovor na konačno imenovanje, ako vjeruje da u procesu imenovanja nisu poštovani principi utvrđeni Zakonom o ministarskim, vladinim i drugim imenovanjima Federacije Bosne i Hercegovine. Prigovor se podnosi istovremeno ministru obrazovanja, nauke, kulture i sporta HNK i Ombudsmenu Federacije Bosne i Hercegovine (kopije).

Javni konkurs ostaje otvoren 15 dana od dana objavljivanja ovog oglasa u najmanje dva dnevna lista koji izlaze u Bosni i Hercegovini.

Prijave sa svim traženim dokumentima dostaviti lično ili preporučeno poštom na adresu:

**Ministarstvo obrazovanja, nauke, kulture i sporta
Hercegovačko-neretvanskog kantona
MOSTAR, ulica Stjepana Radića br.3.
uz naznaku**

Prijava na javni konkurs za izbor i imenovanje predsjednika i članova Upravnog odbora Narodne biblioteke HNK

Neppravovremene i nepotpune prijave neće biti razmatrane.

MINISTAR

dr.sc. Rašid Hadžović